



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

In Nomine Domini Nostri Iesv Christi, Fidei confessio episcoporum,
presbyterorum, vel primorum Gothicae gentis, qui infra subscripserunt.

urn:nbn:de:hbz:466:1-15221

Ipsē mereatur veraciter apostolicum meritum, qui apostolicum impleuit officium. ANNO
CHRISTI
589.

Ipsē sit Deo & hominibus amabilis, qui tam mirabiliter Deum glorificauit in terris, præstante Domino nostro Iesu Christo, qui cum Deo Patre uiuit, & regnat in vnitāte Spiritus sancti, in sæcula sæculorum. Amen.

IN NOMINE DOMINI NOSTRI IESV CHRISTI,

*Fidei confessio episcoporum, presbyterorum, vel primorum
Gothicæ gentis, qui infra subscripserunt.*

Præcipiente autem vniuerso venerabili Concilio, atque iubente, vnus episcoporum catholicorum ad episcopos & religiosos, vel maiores natu, ex hæresi Ariana conuersos, eiusmodi allocutione exorsus est, dicens:

Psal. 146.

Officii nostri cura, & felicissimi atque gloriosissimi principis admonitione propellimur, diligenter a vestra caritate perquirere, vel quid damnetis in hæresi, aut quid intra Dei catholicam credatis ecclesiam. Nam sicut dicente psalmista didicimus: *Incipite Domino in confessione*; optimū est, vestræque saluti conueniens palam confiteri, quod creditis, & sub auditu vniuersorum anathematizare, quod respuitis. Tunc prorsus optime poteritis euangelicæ atque apostolicæ fidei participes fieri, si eandem catholicam fidem ex confessione catholica incipiat, vel propria subscriptione firmetis; & sicuti Deo iam de bona consensione cogniti estis conscientia, ita & vos proximos fidei sanctæ ad stipulationem monstretis. Eo itaque fiet, vt & vos Christi esse corporis membra significetis, & nostra exiguitas nihil dubium, nihil infidum vnquam de vestra suspicetur fraternitate; dum patuerit, vos pestem perfidiæ Arianae cum omnibus dogmatibus, regulis, officiis, communione, codicibus prædamnare, vel detestandæ hæreseos expoliati contagione, innouati quodammodo intra Dei ecclesiam *splendidi habitu veræ fidei clareatis. *splendi-
do

Tunc episcopi omnes vna cum clericis suis, primoresque gentis Gothicæ pari consensione dixerunt:

Licet hoc quod paternitas atque fraternitas vestra a nobis cupit audire, vel fieri, iam olim cōuersionis nostræ tempore egerimus, quando secuti dominum nostrum gloriosissimum Reccaredum regem ad Dei ecclesiam transiui-

ANNO
CHRISTI
589.

mus, & perfidiam Arianam cum omnibus superstitionibus suis anathematizauimus pariter & abiecimus; nunc vero propter caritatem & deuotionē, quam vel Deo, vel ecclesiæ sanctæ catholicæ meminimus nos debere, non tantum hæc eadem quæ petitis promptissime agere prope-ramus, sed & quæ adhuc congrua fidei esse conspiciatis, nobis de caritate persuadete. Vos etenim ita semel rectæ fidei amor in eam deuotionem aduexit, vt omne quod nobis verius fraternitas vestra patefecit, teneamus, & liberali fa-teamur confessione.

I.

Omnis ergo qui fidem & communionem ab Ario ve-nientem, & hucusque a nobis retentam, adhuc tenere de-fiderat, & de tota cordis intentione non damnat, ana-thema sit.

II.

Quicumque Filium Dei Dominum nostrum Iesum Christum negauerit a paterna substantia sine initio geni-tum, & æqualem Patri esse, vel consubstantialem, ana-thema sit.

III.

Quicumque Spiritum sanctum non credit, aut non crediderit a Patre & Filio procedere, eumque non dixerit coæternum esse Patri & Filio, & coæqualem, anathema sit.

IV.

Quicumque in Patre, & Filio, & Spiritu sancto, & per-sonas non distinguit, & vnus Dei vnitatis substantiam non cognoscit, anathema sit.

V.

* iuxta
deitatem
esse Pa-
tre mino-
rem,

Quicumque Filium Dei Dominum nostrum Iesum Christum, & Spiritum sanctum * esse Patre minores asse-ruerit, & gradibus separauerit, creaturamque esse dixerit, anathema sit.

VI.

Quicumque Patrem, & Filium, & Spiritum sanctum vnus substantiæ, omnipotentia, æternitatis esse non cre-dit, anathema sit.

VII.

Quicumque nescire Filium Dei, quæ Deus Pater sciat, dixerit, anathema sit.